

## Al-Kaafiruun

### Description

## Al-Kaafiruun



### Seensa

Yommuu mushrikooni Makkaa ciminnaa fi jabeenya Muslimoonni amanti isaanii irratti qaban argan, amanti isaanii irraa duubatti deebisuun akka hin danda’amne abdi kutuu jalqaban. Garuu karaa gowwummaa fi hanqinna yaada isaanii agarsiisu hordofuu eegalan. Gara Nabiiyii (SAW)namoota akka Aswad ibn Abdul Muxxalib, Waliid ibn Mughiiarah, Umayyah ibn Khalaf, Al-Aas ibn Waa’il erguun akkana jedhan, “Yaa Muhammad! Koottu wanta ati gabbartu nutis haa gabbarru. Atis wanta nuti gabbarru ni gabbarta. Nu fi atis dhimmicha keessatti waliin haa hirmaannu. Kan ati gabbartu wanta nuti gabbaruu caalaa gaarii yoo ta’e, nuti isarraa qooda keenya fudhanna. Wanti nuti gabbarru wanta ati gabbartu kan caalu yoo ta’e, ati qoode kee isarraa fudhatta.” Ergasii Rabbiin subhaanahu wa ta’aalaa suurah armaan gadii buuse.

#### Raka’aa Sunnaa keessatti suura tana qara’u ilaalchisee hadiisota dhufan:

Sahiib Muslim keessatti akka dhufetti Ergamaan Rabbi (SAW) suurah tanaa fi qul huwallahu ahad’in raka’a xawaafaa lamaan keessatti qara’aa ture. Ammas hadiisa Abu Hureyraan gabaase keessatti: salaata sunnah fajrii keessatti suuratu Al-Kaafiruun fi suuratu Al-Ikhlaasa qara’e. ([Sahiib Muslim 726](#))

Akkasumas, Ergamaan Rabbi (sallallahu aleyh wassallam) salaata witrii keessatti suuratu Al-A’alaa (Sabihism Rabbikal a’alaa), kaafiruun fi Ikhlasa akka qara’e gabaafame jira. (Sunan An-Nasaa’i- 1750)

#### [109:1](#)

???? ?????????????? ??????????????????

#### [Jecha Jechaan](#)

????Jedhi????????????????? ??????????????????Yaa kaafiroota

#### Jedhi, “Yaa Kaafiroota!

#### [Tafsiira](#)

“**Kaafiroota**” –Warroota Rabbi fi Ergamaa Isaatti hin amanne. Kanneen akka Mushrikoota, Kiristaanota,

Yahuudota, waaqefataa, Budistoota fi kkf. Gabaabumatti, Islaaman ala amanti biraa warroota hordofan.

**109:2**

????? ?????????? ??? ????????????????

Jecha Jechaan

????hin????????gabbaru???wanta?????????????isin gabbartan

**Wanta isin gabbartan ani hin gabbaru.**

Tafsiira

Kana jechuun taabota, sanama (siidaa), waliyyi, qabrii, muka, malaykota fi uumamtoota biroo isin gabbartan (waaqefattan) ani hin gabbaru.

**109:3**

????????? ?????????? ?????????????? ??? ??????????????

Jecha Jechaan

????????miti?????????isin?????????????gabbartoota????wanta?????????ani  
gabbaru

**Isinis gabbartoota wanta ani gabbaruu miti.**

Tafsiira

Kana jechuun Rabbii ani gabbaraa jiru isin gabbaraa hin jirtan. Sababni isaas, ibaada (gabbarri) keessan Rabbiif waan hin qulqullessinee fi waan wanta biraa Isa waliin gabbartaniif 'isin Rabbiin gabbartan' hin jedhamu. Namni Rabbiin waliin waan biraa gabbaree ibaadaan isaa akka jalaa badu Qur'aana keessatti bakka baay'eetti arganna.

**109:4**

????????? ?????????? ?????????? ??? ????????????????

Jecha Jechaan

????????miti?????????ani?????????gabbaraa????wanta?????????????isin  
gabbartan

**Anis gabbaraa wanta isin gabbartanii miti.**

Tafsiira

Kana jechuun wanta isin gabbaraa turtan ani gonkumaa gara fuunduraatti hin gabbaru.

109:5

?????? ?????? ?????????? ??? ? ??????????

Jecha Jechaan

?????miti?????isin?????????gabbartoota???wanta?????ani  
gabbaru

**Isinis gabbartoota wanta ani gabbaruu miti.**

Tafsiira

Kana jechuun Rabbii ani gabbaruu isin gonkumaa gabbaraa hin jirtan.

109:6

?????? ?????????? ?????? ????????

Jecha Jechaan

?????isiniif?????????amantiin keessan?????anaafis?????amanti  
kiyya

**Isiniif amanti keessantu jira, anaafis amanti kiyyatu jira.**

Tafsiira

Kana jechuun isiniif amanti ofii uumtantu isiniif jira, anaafis amanti Rabbiin narratti buusetu naaf jira. Kuni akkuma Rabbiin olta' aan jedheedha: "Yoo si kijibsiisan, "Anaaf dalagaa kiyyatu jira, isiniifis dalagaa keessantu jira. Isin waan ani dalagu irraa qulqulluudha, anis waan isin dalagdan irraa qulqulluudha." **Jedhi.** (Suuratu Yuunus 10:41)

Guduunfaa

Suuratu Al-Kaafiruun karaan haqaa tokko qofa akka ta'e sirritti ibsiti. Karaan haqaa kunis Rabbii Gooftaa aalamaa ta'e qofa gabbaruudha. Rabbiin subhaanahu suurah tana buusun haqaa fi soba, ifaa fi dukkana jidduu tuqaan wal-qunnamtii akka hin jirre ni murteesse. Amantin kaafironni irra jiranii fi Islaamni guutumaan guututti gargar kan ta'aniidha. Amantiin kaafirootaa Rabbii olta'aa waliin waan biraa gabbaruu irratti kan hundaa'edha. Faallaa kanaa, Islaamni immoo Rabbii Tokkicha qofa gabbaruu irratti kan hundaa'edha. Garaagarummaan isaanii akka samii fi dachiiti. Hundeemaa wanti baaxila (soba) irratti hundaa'e fi wanti haqa irratti hundaa'e akkamitti walitti galuu fi wal fakkaachu danda'uu? Kanaafu, amantiin Islaamaa fi amantiin kufrii gonkumaa walitti galuu hin danda'an.

Rabbiin as keessatti barnoota ijoo Muslimoota barsiisa: Muslimoonni dubbii fi hojii isaaniitiin amantii kufrii irraa

of qululleessuu qabu. Dhimma amanti keessatti kaafirota waliin wali-galtee gochuu akka hin qabne labsuun isaan irra jira. *Hojii amanti kan akka taabota baadhachuu, ayyaana isaanii ayyaneeffachuu fi kkf keessatti waliin hirmaachu hin qaban.* Ammas, dubbii amanti isaan fayyadaman kan akka madaanalamin kakachuu, 'Iyyasuus na fayyisi' jechuu fi kkf fayyadamuu irraa fagaachu qabu.

**Date Created**

October 1, 2022

**Author**

jibril-ismael